

UGOVOR

o nabavci potopne pumpe za snabdjevanje protupožarnog rezervoara vodom iz bunara na ttt Bihać

između:

1. **OPERATOR-TERMINALI FEDERACIJE d.o.o.**, Ulica Mustajbega Fadilpašića 1 Sarajevo, kojeg zastupa Uprava u sastavu: Džemal Bašić –predsjednik, Eugen Šušak-član (u daljem tekstu: Kupac)

2. **“Elektro univerzal“ d.o.o. Tuzla**, Ulica Blagoja Parovića, Tuzla, kojeg zastupa direktor Amir Mahmutbegović (u daljem tekstu: Prodavac).

PREDMET UGOVORA

Član 1

Predmet ovog Ugovora čini nabavka i ugradnja potopne pumpe za snabdjevanje protivpožarnog rezervoara vodom iz bunara na terminalu tečnih tereta Bihać a prema Pozivu za dostavu ponude br.04-7-262-4/17 od 14.08.2017 i obavijesti o dodjeli Ugovora br.04-7-262-7/17 od 05.09.2017g.

Sastavni dio ovog Ugovora čini ponuda Prodavca br. 155-A/2017 od 21.08.2017.

Za sve što nije specificirano u članu 1 ovog Ugovora, važi specifikacija iz Ponude i Poziva za dostavu ponude.

Član 2

Prodavac se obvezuje da će kupcu predmetnu robu nabaviti, isporučiti i montirati te da će izvršiti elektropovezivanje, puštanje u rad i testiranje predmetne opereme, a Kupac se obvezuje zvanično preuzeti i platiti Prodavcu vrijednost opreme prema prihvaćenoj cijeni iz Ponude br. 155-A/2017 od 21.08.2017.

CIJENA I UVJETI PLAĆANJA

Član 3

Ukupna vrijednost opreme, prema prihvaćenoj Ponudi br. br. 155-A/2017 od 21.08.2017. iznosi 4.780,00 KM, bez uračunatog PDV.

Član 4

Ugovorena vrijednost opreme podrazumijeva nabavku, isporuku, montažu, elektropovezivanje, puštanje u rad i testiranje predmetne opreme odnosno stavljanje u funkciju opreme na lokaciji Kupca –terminal tečnih tereta Bihać, demonstraciju kompletnosti i funkcionalnosti, kao i otklanjanje kvarova i održavanje u garantnom roku.

Član 5

Ugovorne strane su suglasne da će Kupac isplatiti ugovorenu cijenu 15 dana po ispostavi fakture. Faktura će se ispostaviti po potpisivanju Zapisnika o prijemu opreme i stavljanju u funkciju.

Sve uplate se vrše u korist žiro-računa «Elektro univerzal » d.o.o. Tuzla kod 140 401 00 229 36 018 SBERBANK.

ROK ISPORUKE

Član 6

Prodavac se obvezuje da će radnje iz člana 2 ovog Ugovora izvršiti u roku od 28 dana od dana obostranog potpisa Ugovora.

Datum isporuke opreme je datum potpisivanja Zapisnika o prijemu opreme, nakon provjere kompletnosti i funkcionalnosti koju treba izvršiti zajednička Komisija prodavca i kupca, na lokaciji kupca, nakon što prodavac stavi u funkciju potopnu pumpu za snabdjevanje protivpožarnog rezervoara vodom.

Po završetku, Komisija ili ovlaštena osoba ispred kupca/prodavca je obvezna sačiniti Zapisnik koji potpisuju i ovjeravaju predstavnici ugovornih strana.

UGOVORNA KAZNA

Član 7

Prodavac se obvezuje da plati ugovornu kaznu u visini 2% za svaki dan kašnjenja u isporuci opreme, a najviše 5% od ukupne vrijednosti ugovorenog posla.

VB

GARANCIJA

Član 8

Prodavac garantira da je ponuđena oprema nova i neupotrebljavana. Prodavac garantira kvalitetu isporučene opreme i stavljanje istu u funkciju i obvezuje se da bez odlaganja, o svom trošku, otkloni svaki kvar ili izvrši zamjenu opreme, koji nije posljedica nepravilnog rukovanja kupca.

Garancija na opremu je 1 godina, od dana potpisivanja Zapisnika o prijemu opreme.

Kupac je u obvezi da svaki problem u radu ili otkaz elemenata pismeno prijavi Prodavcu, putem faxes ili elektronski, putem e-mail poruke, odmah po njenom nastanku. Prijavu kvara može vršiti isključivo ovlaštenu predstavnik Kupca ili više njih, pod uvjetom da Kupac blagovremeno pismeno informira Prodavca o imenima ovlaštenih predstavnika.

Prodavac se obvezuje da će osigurati profesionalni servis i rezervne dijelove u tijeku i izvan garantnog roka.

Član 9

Prodavac se obvezuje da sve servisne intervencije započne najkasnije u roku od 24 sata od trenutka prijave kvara, u radno vrijeme i radnim danom, odnosno 48 sati u ostalim vremenskim terminima.

Prodavac se obvezuje da sve servisne intervencije završi u što kraćem roku, a najkasnije u roku od 7 dana na lokaciji Kupca, ukoliko to tehničke mogućnosti dozvoljavaju.

U slučaju da opravka traje duže od 7 dana Prodavac je dužan neispravnu opremu zamijeniti ispravnom ekvivalentnom po funkcionalnosti, koju će Kupac koristiti do okončanja opravke.

OBVEZE KUPCA

Član 10

Kupac se obvezuje da osigura prostorije i uvjete za isporuku ugovorene opreme.

PREUZIMANJE PRAVA I OBAVEZA

Član 11

Ukoliko u toku važnosti ovog ugovora dođe do bilo kakvih promjena u nazivu, ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njenog pravnog sljedbenika.

PRIMJENA PROPISA

Član 12

Za sve što nije predviđeno ovim Ugovorom, primjenjuju se odredbe Zakona o obligacijskim odnosima i drugih pozitivnih propisa.

SUDSKA NADLEŽNOST

Član 13

Ugovorne strane su suglasne da eventualne sporove povodom ovog Ugovora rješavaju sporazumom. U protivnom, nadležan je Općinski sud u Sarajevu.

PRIMJERC I UGOVORA

Član 14

Ovaj ugovor sačinjen je u četiri (4) primjeraka istovjetnog teksta, od kojih po dva (2) primjerka za svaku od ugovornih strana.

Za PRODAVCA:

Amir Mahmutbegović, direktor



Tuzla; 26.09.2017

Za KUPCA:

Uprava:

Džemal Bašić, predsjednik
Eugen Šušak, član

Broj: 04-7-262-8/17
Sarajevo, 02.10.2017